

Բնական գազի մատակարարման
(Մատակարար - Բաժանորդ (կազմակերպություն))

ՊԱՅՄԱՆԱԳԻՐ N N ARG 19 0 08 13 0010

ք.Երևան

«28» 09 2013 թվական

Մատակարար՝ "ՀայՌուսգազարդ" ՓԲԸ-ն (ՀՀ, ք.Երևան, Թբիլիսյան խճուղի, 43), ի դեմս Վարչության նախագահ-Գլխավոր տնօրեն Վ.Հարությունյանի, որը գործում է համաձայն Կանոնադրության և ՀՀ բնական մենաշնորհների կարգավորման հանձնաժողովի կողմից տրված N 0109 գործունեության լիցենզիայի հիման վրա, մի կողմից, և Բաժանորդ՝ ՀՀ Ոստիկանությունը (ՀՀ, ք.Երևան, Նալբանդյանի 130), ի դեմս ՀՀ Ոստիկանության պետի տեղակալ, գեներալ-լեյտենանտ Հ.Հունանյանի, որը գործում է համաձայն Կանոնադրության, մյուս կողմից, համատեղ կոչվելով Կողմեր, կնքեցին սույն պայմանագիրը հետևյալի մասին.

1. ՀԱՄԱՅՆՈՒԹՅՈՒՆՆԵՐ

1. Սույն պայմանագրում օգտագործվող հասկացություններն են.
 - 1) **Հանձնաժողով**՝ Հայաստանի Հանրապետության հանրային ծառայությունները կարգավորող հանձնաժողով.
 - 2) **ԳՄՕԿ**՝ Հայաստանի Հանրապետության հանրային ծառայությունները կարգավորող հանձնաժողովի 2005 թվականի հունիսի 8-ի «Բնական գազի մատակարարման և օգտագործման կանոնները հաստատելու մասին» N95Ն որոշման 1-ին կետով հաստատված բնական գազի մատակարարման և օգտագործման կանոններ.
 - 3) **Հաշվարկային ամիս**՝ ժամանակահատված, որի գործողությունը սկսվում է օրացույցային ամսվա առաջին օրվա ժամը 11:00-ին և ավարտվում է հաջորդ օրացույցային ամսվա առաջին օրվա ժամը 11:00-ին:
 - 4) **10 հազար խորանարդ մետր և ավելի սպառում ունեցող Բաժանորդ**՝ անձ, որի ծախսած բնական գազի ամսական քանակությունը նախորդ օրացույցային տարում ավելի քան երկու հաշվարկային ամսում գերազանցել է 10 հազար խորանարդ մետրը (Ցելսիուսի 20 աստիճանի և 101.325 կՊա կամ 1.033227 կգ/սմ² ճնշման պայմաններում):

2. ՊԱՅՄԱՆԱԳՐԻ ԱՌԱՐԿԱՆ

2. Մատակարարը պարտավորվում է Բաժանորդին մատակարարել բնական գազ, իսկ Բաժանորդը պարտավորվում է վճարել մատակարարված բնական գազի դիմաց:

3. ԿՈՂՄԵՐԻ ՊԱՐՏԱԿԱՆՈՒԹՅՈՒՆՆԵՐԸ

3. Մատակարարի և Բաժանորդի փոխհարաբերությունները կարգավորվում են սույն պայմանագրով, ԳՄՕԿ-ով, Հայաստանի Հանրապետության օրենքներով և այլ իրավական ակտերով:
4. Մատակարարը պարտավոր է.
 - 1) սահմանագատման կետում ապահովել Բաժանորդի գազամատակարարումը՝ «Բնական վառելանյութային գազեր արդյունաբերության և կոմունալ-կենցաղային նպատակների համար» ԳՕՍՏ 5542-87-ով սահմանված պայմաններին համապատասխանող հոտավետացված բնական գազով.

(հոտավետացված կամ չհոտավետացված)

- 2) 10 հազար խորանարդ մետր և ավելի սպառում ունեցող Բաժանորդին բնական գազ մատակարարել սույն պայմանագրով ամրագրված ժամանակացույցով և չափաքանակներով (Հավելված №3).
 - 3) կազմել և Բաժանորդին ներկայացնել մատակարարված բնական գազի համար վճարման փաստաթղթերը՝ ԳՄՕԿ-ով և սույն պայմանագրով սահմանված կարգով.
 - 4) չխոչընդոտել իր սեփականությունը հանդիսացող առևտրային հաշվառքի կայան Բաժանորդի կամ նրա ներկայացուցիչների մուտքը՝ օպերատիվ տեղեկատվություն ստանալու, կամ առևտրային հաշվառքի սարքերը կնքելու, կամ կնիքների առկայությունը ստուգելու, կամ բնական գազի որակական հատկանիշներն ուսումնասիրելու նպատակով բնական գազի նմուշառման համար.
 - 5) ԳՄՕԿ-ով սահմանված կարգով և ժամկետում սպառիչ պատասխան տալ Բաժանորդի դիմումին (բողոք, հարցադրում)՝ հանգամանորեն ներկայացնելով Բաժանորդի դիմումի առնչությամբ գործող իրավական դաշտը, նրա իրավունքներն ու պարտականությունները և այն բոլոր հանգամանքները, որոնք անհրաժեշտ կլինեն Բաժանորդին ամբողջական պատկերացում կազմելու ներկայացված դիմումի վերաբերյալ.
 - 6) գազասպառման համակարգում վթարների և վթարային իրավիճակների դեպքերում Բաժանորդի կամ այլ անձանց ահազանգով դադարեցնել նրա գազամատակարարումը, վերսկսել այն դադարեցման պատճառների վերացումից հետո՝ ԳՄՕԿ-ով սահմանված կարգով և ժամկետներում տեղեկացնելով Բաժանորդին.
 - 7) գազամատակարարման ընդհատման, սահմանափակման կամ դադարեցման դեպքում՝ բացառությամբ վթարների ու վթարային իրավիճակների Բաժանորդին նախապես տեղեկացնել և գազամատակարարումը վերականգնել ԳՄՕԿ-ով սահմանված կարգով և ժամկետներում.
 - 8) սույն պայմանագրի լուծման կամ գազամատակարարման ժամանակավոր դադարեցման վերաբերյալ Բաժանորդի դիմումի հիման վրա դադարեցնել Բաժանորդի գազամատակարարումը հնարավորինս սեղմ ժամկետում, բայց ոչ ուշ, քան երկու աշխատանքային օրվա ընթացքում:
5. Բաժանորդը պարտավոր է.
- 1) վճարել մատակարարված բնական գազի դիմաց՝ սույն պայմանագրով և ԳՄՕԿ-ով սահմանված կարգով.
 - 2) չօգտագործել բնական գազը կամ գազասպառման համակարգը տեխնիկական պայմաններով, նախագծով և գազասարքավորումների տեխնիկական փաստաթղթերով (անձնագրով) չնախատեսված նպատակներով ու պայմաններով.
 - 3) գազասպառման համակարգի վթարի կամ վթարային իրավիճակների, կամ անսարքության, մարդկանց կյանքին, առողջությանը կամ շրջակա միջավայրին վտանգ սպառնացող իրավիճակներում, ինչպես նաև բնական գազի արտահոսք հայտնաբերելու դեպքում անմիջապես ընդհատել բնական գազի սպառումը և այդ մասին անհապաղ հայտնել Մատակարարին.
 - 4) իր նախաձեռնությամբ գազասպառման համակարգում փոփոխություններ (այդ թվում՝ սարքավորումների, դրանց հզորության, սպառման ծավալների) կատարելու համար, ԳՄՕԿ-ով սահմանված կարգով դիմել Մատակարարին.
 - 5) չխոչընդոտել Մատակարարի ներկայացուցիչների մուտքը իր գազասպառման համակարգի տեղակայման տարածք, եթե վերջինս ներկայացնում է իր լիազորությունները հավաստող ծառայողական վկայական՝ լուսանկարով և հայտնում է Բաժանորդի քարտի համարը:
Մատակարարի ներկայացուցչի մուտքը գազասպառման համակարգի տեղակայման տարածք իրականացվում է՝ **շուրջօրյա**.
 - 6) իր սեփականությունը հանդիսացող (իր կողմից օգտագործվող) գազասպառման համակարգի տեղակայման տարածքը օտարելու (օգտագործման իրավունքը դադարելու) դեպքում դիմել Մատակարարին՝ վերջնահաշվարկ կատարելու և պայմանագիրը լուծելու համար:

4. ՄԱՏԱԿԱՐԱՐՎԱԾ ԲՆԱԿԱՆ ԳԱԶԻ ՀԱՇՎԱՌՈՒՄԸ

6. Հաշվարկային ամսում Բաժանորդին մատակարարված բնական գազի քանակը որոշվում է սույն պայմանագրի N1 հավելվածում նշված առևտրային հաշվառքի սարքի միջոցով՝ ԳՄՕԿ-ով սահմանված կարգով և ժամկետներում: Բաժանորդն իրավունք ունի մասնակցել առևտրային հաշվառքի սարքի ցուցմունքի գրանցմանը:
7. 10 հազար խորանարդ մետր և ավելի սպառում ունեցող Բաժանորդի դեպքում Մատակարարի և Բաժանորդի պատասխանատու անձինք Հաշվարկային ամսվա համար ԳՄՕԿ-ով սահմանված կարգով և ժամկետներում կազմում են երկկողմ ակտ՝ Բաժանորդին մատակարարված բնական գազի քանակի մասին: Այն դեպքում, երբ Բաժանորդը (Բաժանորդի պատասխանատու անձը) ԳՄՕԿ-ով սահմանված կարգով չի մասնակցում սույն կետում նշված ակտի կազմմանը, ապա Մատակարարը կարող է ակտը կազմել միակողմանի: Մատակարարի կողմից կազմված ակտը հիմք է հանդիսանում Բաժանորդին վճարման փաստաթուղթ ներկայացնելու համար:
8. Առևտրային հաշվառքի սարքի՝ այդ թվում նոր առևտրային հաշվառքի սարքի, տվյալները գրանցվում են սույն պայմանագրի N1 հավելվածում:
9. Առևտրային հաշվառքի սարքի խախտման դեպքում բնական գազի քանակը վերահաշվարկվում է ԳՄՕԿ-ով սահմանված կարգով:
10. Հաշվարկային ամսում, երբ առևտրային հաշվառքի սարքն աշխատել է իր չափման ընդգրկույթից (Q_{min} - Q_{max}) դուրս, Բաժանորդին մատակարարված բնական գազի քանակությունը հաշվարկվում է՝
 - 1) եթե չափումը կատարվել է ընդգրկույթի ստորին սահմանից (Q_{min}) ցածր, ապա ծախսն ընդունվում է Q_{min} -ին հավասար,
 - 2) եթե չափումը կատարվել է ընդգրկույթի վերին սահմանից (Q_{max}) բարձր, ապա ծախսն ընդունվում է 120 տոկոսին հավասար:Ճնշման անկման սկզբունքով աշխատող հաշվառքի սարքերի դեպքում նվազագույն՝ Q_{min} և առավելագույն՝ Q_{max} մեծությունները որոշվում են հաշվարկային եղանակով՝ համաձայն ԳՕՍՍ 8.563-97-ի՝ «Հեղուկների և գազերի քանակության և ծախսի քանակության չափումը ճնշման փոփոխական անկման մեթոդով» և ԳՕՍՍ-8.586-2005-ի՝ «Հեղուկների և գազերի ծախսի ու քանակության չափումը ստանդարտ նեղացնող սարքերի միջոցով»: Այլ սկզբունքով աշխատող հաշվառքի սարքերի համար նվազագույն՝ Q_{min} և առավելագույն՝ Q_{max} մեծությունները որոշվում են հաշվառքի սարքի անձնագրային տվյալների հիման վրա՝ համաձայն համապատասխանության սերտիֆիկատի:

5. ԲՆԱԿԱՆ ԳԱԶԻ ՍԱԿԱԳԻՆԸ ԵՎ ՎՃԱՐՈՒՄՆԵՐԻ ԿԱՐԳԸ

11. Մատակարարվող բնական գազի սակագինը սահմանում է Հանձնաժողովը:
12. Հանձնաժողովի կողմից բնական գազի սակագնի փոփոխման դեպքում սահմանված նոր սակագինն ուժի մեջ է մտնում Հանձնաժողովի սահմանած ժամկետում:
13. Հաշվարկային ամսում մատակարարված բնական գազի համար (10 հազար խորանարդ մետր և ավելի սպառում ունեցող Բաժանորդի դեպքում՝ սույն պայմանագրի 7-րդ կետին համապատասխան կազմված ակտի հիման վրա) Մատակարարը ԳՄՕԿ-ով սահմանված կարգով և ժամկետում Բաժանորդին ներկայացնում է վճարման փաստաթուղթ: Հաշվարկային ամսում Բաժանորդին մատակարարված բնական գազի դիմաց վճարման ենթակա գումարը որոշվում է Հանձնաժողովի կողմից սահմանված համապատասխան սակագնի և մատակարարված բնական գազի քանակության արտադրյալով: Բաժանորդը մատակարարված բնական գազի դիմաց վճարումը կատարում է ներկայացված վճարման փաստաթղթի հիման վրա՝ ԳՄՕԿ-ով սահմանված կարգով և ժամկետում: Հաշվարկային ամսվա ընթացքում մատակարարվելիք բնական գազի համար կանխավճար կամ վճարման այլ երաշխիքներ պահանջնելու դեպքերն ու կարգը սահմանվում է ԳՄՕԿ-ով:

14. Բոլոր դեպքերում, եթե Բաժանորդը Հաշվարկային ամսում սպառել է մինչև 10 հազար խորանարդ մետր բնական գազ, ապա Հաշվարկային ամսվա ընթացքում մատակարարված բնական գազի դիմաց վճարում է ամսական մինչև 10 հազար խորանարդ մետր սպառում ունեցող Բաժանորդներին վաճառվող յուրաքանչյուր հազար խորանարդ մետրի համար Հանձնաժողովի կողմից սահմանված սակագնով, իսկ եթե Բաժանորդը Հաշվարկային ամսում սպառել է 10 հազար խորանարդ մետր և ավելի բնական գազ, ապա Հաշվարկային ամսվա ընթացքում մատակարարված բնական գազի դիմաց վճարում է ամսական 10 հազար խորանարդ մետր և ավելի սպառում ունեցող Բաժանորդներին վաճառվող յուրաքանչյուր հազար խորանարդ մետրի համար Հանձնաժողովի կողմից սահմանված սակագնով:

6. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

15. Սույն պայմանագրով սահմանված պարտավորությունները չկատարելու կամ ոչ պատշաճ կատարելու դեպքում Կողմերը պատասխանատվություն են կրում Հայաստանի Հանրապետության օրենքներով, ԳՍՕԿ-ով և սույն պայմանագրով սահմանված կարգով:

16. Բաժանորդին մատակարարված բնական գազի քանակության դիմաց սույն պայմանագրի 13-րդ կետի համաձայն վճարման ժամկետը խախտելու դեպքում Մատակարարն իրավունք ունի պահանջել Բաժանորդից վճարելու տույժ՝ ժամկետանց յուրաքանչյուր օրվա համար չվճարված գումարի 0.1 տոկոսի չափով, բայց ոչ ավելի, քան չվճարված գումարի 10 տոկոսը:

7. ՖՈՐՍ ՄԱԺՈՐԱՅԻՆ ԻՐԱՎԻՃԱԿՆԵՐ

17. Կողմերն ազատվում են պայմանագրային պարտավորությունների չկատարման կամ ոչ պատշաճ կատարման համար պատասխանատվությունից, եթե դրանք հետևանք են արտակարգ և անկանխելի դեպքերի և հանգամանքների, որոնք ստեղծվել են Կողմերի կամքից անկախ, ներառյալ (սակայն չսահմանափակվելով դրանցով) բնական աղետները, բնության ուժերի արտասովոր ուժեղ դրսևորումները, ինչպես, օրինակ, ջրհեղեղները, երկրաշարժերը, փոթորիկները, պոտտահողմերը, ինչպես նաև սաբոտաժային գործողությունները, ահաբեկչությունները, պատերազմները, ապստամբությունները, հասարակական անկարգությունները, գործադուլները, որոնք խոչընդոտում են Կողմերի գործունեությունը կամ հանգեցնում նրանց ստանձնած ցանկացած պարտավորության կատարման ձգձգման կամ դադարեցման՝ հակառակ նրանց կողմից գործադրված ջանքերի՝ խուսափելու, թուլացնելու կամ վերացնելու այդ ուժերի ազդեցությունը:

18. Կողմերը պարտավոր են սույն պայմանագրի 17-րդ կետում նշված իրավիճակների մասին հնարավորինս սեղմ ժամկետում, բայց ոչ ուշ, քան 24 ժամվա ընթացքում, տեղեկացնել միմյանց՝ նշելով դրանց վերացման հնարավոր ժամկետները:

19. Ֆորս մաժորի ավարտից հետո Կողմերը պարտավոր են անմիջապես ձեռնարկել միջոցներ իրենց պայմանագրային պարտավորությունները կատարելու համար:

8. ՎԵՃԵՐԻ ԼՈՒԾՈՒՄԸ

20. Սույն պայմանագրի առնչությամբ առաջացած վեճերը լուծվում են Կողմերի միջև բանակցությունների միջոցով, իսկ Կողմերից մեկի դիմելու դեպքում՝ Հանձնաժողովի միջնորդությամբ: Սույն կետը չի սահմանափակում Կողմերի իրավունքը՝ վեճերը լուծելու դատական կարգով:

9. ԱՅԼ ՊԱՅՄԱՆՆԵՐ

21. Սույն պայմանագրի №2 և №3 հավելվածները տարածվում են 10 000 խորանարդ մետր և ավելի սպառում ունեցող Բաժանորդների վրա:
22. Սույն պայմանագրի №4 հավելվածը տարածվում է այն Բաժանորդների վրա, որոնց գազասպառման համակարգը տեղակայված է բազմաբնակարան շենքում:
23. Մատակարարը պարտավոր է Բաժանորդին ուղարկվող գրությունները, ծանուցումները և այլ փաստաթղթերը Բաժանորդին հանձնել պատշաճ ձևով: Փաստաթղթերը համարվում են պատշաճ ձևով հանձնված, եթե դրանք ուղարկվել են պատվիրված նամակով՝ հանձնման մասին ծանուցմամբ՝ Բաժանորդի կողմից սույն պայմանագրով նշված ծանուցման վայրին, կամ էլեկտրոնային փոստով, եթե առկա է այն ստանալու մասին էլեկտրոնային հավաստում կամ հանձնվել են ստացականով, եթե առանձին դեպքերի համար ԳՄՕԿ-ով կամ սույն պայմանագրով նախատեսված չէ պատշաճ հանձնման կոնկրետ ձև:
24. Բաժանորդը պարտավոր է սույն պայմանագրում նշված ծանուցման վայրի փոփոխության դեպքում 10 աշխատանքային օրվա ընթացքում Մատակարարին գրավոր տեղեկացնել նոր ծանուցման վայրի վերաբերյալ:
25. Այն դեպքում, երբ Բաժանորդը գրավոր չի տեղեկացրել Մատակարարին իր ծանուցման վայրի փոփոխության մասին, և Մատակարարը կիրառել է փաստաթղթերի պատշաճ հանձնման բոլոր ձևերը, սակայն առկա չէ Բաժանորդի կողմից համապատասխան փաստաթղթերն ստացած լինելու հավաստումը, ապա Մատակարարի կողմից սույն պայմանագրում նշված ծանուցման վայրով ուղարկված փաստաթուղթը համարվում է պատշաճ ձևով հանձնված, թեկուզ և Բաժանորդն այլևս այդ գտնվելու կամ բնակության վայրում չի գտնվում:
26. Մատակարարը և 10 000 խորանարդ մետր և ավելի սպառում ունեցող Բաժանորդը, ելնելով Բաժանորդի գազասպառման համակարգի առանձնահատկություններից, իրավունք ունեն սույն պայմանագրի №3 հավելվածում սահմանել լրացուցիչ պայմաններ:

10. ՊԱՅՄԱՆԱԳՐԻ ԳՈՐԾՈՂՈՒԹՅՈՒՆԸ ԵՎ ԼՈՒԾՈՒՄԸ

27. Սույն պայմանագիրն ուժի մեջ է մտնում կնքման պահից և գործում է անորոշ ժամկետով:
28. Մատակարարի և էներգետիկայի բնագավառում լիցենզավորված անձանց (որոնք բնական գազը ձեռք են բերում էլեկտրական կամ ջերմային էներգիա արտադրելու նպատակով) միջև կնքված պայմանագրերն ուժի մեջ է մտնում Հանձնաժողովում գրանցվելու պահից:
29. Հանձնաժողովի կողմից բնական գազի մատակարարման (Մատակարար-Բաժանորդ (կազմակերպություն)) պայմանագրի նոր օրինակելի ձև հաստատելու կամ գործող օրինակելի ձևում փոփոխություններ կամ լրացումներ կատարելու դեպքում Կողմերը պարտավոր են Հանձնաժողովի սահմանած ժամկետում կնքել նոր պայմանագիր կամ համապատասխան փոփոխություններ կամ լրացումներ կատարել գործող պայմանագրում:
30. Սույն պայմանագիրը կարող է լուծվել.
 - 1) Կողմերի փոխհամաձայնությամբ,
 - 2) Բաժանորդի կողմից միակողմանի, այդ մասին Մատակարարին տեղեկացնելու և օգտագործած բնական գազի, իսկ բազմաբնակարան շենքում գտնվող Բաժանորդի դեպքում՝ նաև տեխնիկական սպասարկման մատուցված ծառայության համար ամբողջությամբ վճարելու պայմանով,
 - 3) Մատակարարի կողմից միակողմանի՝ Հայաստանի Հանրապետության օրենքներով սահմանված դեպքերում և կարգով:
31. Բաժանորդի կողմից սույն պայմանագրի 5-րդ կետի 6-րդ ենթակետով նախատեսված պարտավորությունը չկատարելու դեպքում սույն պայմանագիրը լուծված է համարվում այն պահից, երբ Մատակարարը պայմանագրի լուծման մասին ծանուցում է Բաժանորդին:

11. ՊԱՅՄԱՆԱԳՐԻ ԱՆԲԱԺԱՆԵԼԻ ՄԱՍ ԿԱԶՄՈՂ ՀԱՎԵԼՎԱԾՆԵՐԻ ՑԱՆԿԸ

32. Հավելված №1 - Համաձայնագիր սահմանազատման և առաքման կետերի մասին
33. Հավելված №2 - Համաձայնագիր սահմանազատման կետում բնական գազի որակի և ճնշման մասին
34. Հավելված №3 - Համաձայնագիր բնական գազի մատակարարման չափաքանակների և լրացուցիչ պայմանների մասին
35. Հավելված №4 - Համաձայնագիր բազմաբնակարան շենքում գտնվող գազասպառման համակարգի տեխնիկական սպասարկման ծառայությունների մատուցման մասին

Մատակարար

"ՀայՌուսգազարդ" ՓԲԸ

ՀՀ, ք.Երևան, Թբիլիսյան խճուղի, 43

"Առեկսիմբանկ-Գազպրոմբանկի
խումբ" ՓԲԸ

Հ/Հ 2380003097950300

ՀՎՀՀ 00046317

Վարչության նախագահ-
Գլխավոր տնօրեն

Վ.Հարությունյան



Բաժանորդ

ՀՀ Ոստիկանություն

ՀՀ, ք.Երևան, Նալբանդյանի 130

ՀՀ Ֆինանսների նախարարության
գործառնական վարչություն

Հ/Հ 900011159044

ՀՎՀՀ 01533334

ՀՀ Ոստիկանության պետի տեղակալ,
գեներալ-լեյտենանտ

Հ.Հունանյան



Համաձայնագիր Սահմանազատման և առաքման կետերի մասին

1. Բնական գազի առաքման կետ է համարվում ստորաբաժանումների հաշվառքի սարքերը :
2. Բնական գազի սահմանազատման կետ է համարվում ներմիացման կետը :

Առևտրային հաշվառքի սարքի (կայանի) տվյալները

N	ՀՀ Ոստիկանության ստորաբաժանումների անվանումը	Մակ- նիշը	Գործա- րանային N	Տեղադրման վայրը
1	2	3	4	5
	ՀՀ Ոստիկանություն (վարչ. շենք)	ՄԴ 250	0340	ք. Երևան, Նալբանդյանի 130
		G 6	6445475	
1	ԿՀԴՊԳՎ	G 25	2500046	ք. Երևան, Նալբանդյանի 130
2	Անվտանգության վարչ. շենք	G 6	2631774	ք. Երևան, Նալբանդյանի 57
3	Քննչական գլխ. վարչություն	G 25	25000112	ք. Երևան, Մոսկովյանի 1
4	Ինտերպոլի ԱԿԲ	G 10	10000361	ք. Երևան, Քանաքեռցու 48
5	Անձնագրերի և վիզաների վարչություն	G 100	7898	ք. Երևան, Մաշտոցի 10
6	Անձնագրերի և վիզաների վարչության Նոր-Նորքի անձնագրերի բաժին	G 6	6445655	ք. Երևան, Ն. Նորքի 1գ.
7	Անձնագրերի և վիզաների վարչության Մաշտոցի անձնագրերի բաժին	G 6	6940186	ք. Երևան, Շինարարների 10/1
8	Անձնագրերի և վիզաների վարչության Ավանի անձնագրերի բաժին	G 6	6940882	ք. Երևան, Իսահակյանի քաղ. 2
9	թիվ 25 հրշեջ մաս	ՄԴ 40	0065	ք. Երևան, Ղափանցյանի 22
10	Հոսպիտալ	ՄԴ 600	0189	ք. Երևան, Ավան, Սաֆարյանի 14
11	Երևան քաղ. վարչություն	G 6	2550920	ք. Երևան, Խանջյանի 51
		DKZ 40	0021046-055	
		G 6	2603194	
		G 6	2608034	
12	Երևանի քաղ. ՉՊՎ	G 16	16160178	ք. Երևան, Խորենացու 162 ա
		G 6	06300968	
13	Ճանապարհային ոստիկ-ն	G 40	40000120	ք. Երևան, Իսակովի 9
		G 6	06300642	
14	ՀՀ Ճանապարհային ոստիկ-ն 2-րդ գումարտակ	G 40	40000119	ք. Երևան, Թաիրովի 14
15	ՀՀ Ճանապարհային ոստիկ-ն Երևան քաղ. հաշվառման-քննական բաժին	G 25	25000530	ք. Երևան, Գաջեգործների 76
16	Ծառայության ուղեկցող վաշտ	G 16	16160058	ք. Երևան, Արդուբյան 10
17	Երևան քաղ. վարչության ՊՊԾ գունդ	ՄԴ 250	0726	ք. Երևան, Խորենացու 154
18	Տնտեսական վարչություն (ՓԲՎ)	G 10	10424501	ք. Երևան, Արցախի 8/16
19	Երևանի քաղ. վարչ. Արաբկիրի բաժին	G 25	25060134	ք. Երևան, Մամիկոնյանցի 1
20	Երևանի քաղ. վարչ. Քանաքեռ-Զեյթուն բաժին	G 25	25087514	ք. Երևան, Ահարոնյանի 3
21	Երևանի քաղ. վարչ. Կենտրոն բաժին	G 40	40057008	ք. Երևան, Չարենցի 2 ջերմ. հանգ. հարևանությամբ
22	Երևանի քաղ. վարչ. Շենգավիթի բաժին	G 25	25000205	ք. Երևան, Գ. Նժդեհի 27

23	Շիրակի մարզային վարչություն	G 6	2663660	ք.Գյումրի, Պռոշյանի 58
24	ՀՀ Ճանապարհային ոստիկ-ն Գյումրիի հաշվառման բաժին	G 4	1939789	ք.Գյումրի, Լիսինյանի 1
25	Շիրակի ՄՎ Գյումրու (Մուշի) բաժին	G 16	16198493	ք.Գյումրի, Շիրակացու 19
26	Անձնագրերի և փզանների վարչության Գյումրու անձնագրերի բաժին	G 6	060330064	ք.Գյումրի, Շիրակացու 19
27	Շիրակի ՄՎ Ախուրյանի բաժին	G 6	2675642	գ.Ախուրյան, Շիրակի խճ.13
28	Շիրակի ՄՎ Արթիկի բաժին	G 6	2518648	ք. Արթիկ, Գորկու 4
29	Շիրակի ՄՎ Անիի բաժին	G 6	06330162	ք.Մարալիկ, Երկաթուղայինների 1
30	Լոռու մարզային վարչություն	G 6	2452182	ք.Վանաձոր, Տ.Մեծի 1/1
31	ՀՀ Ճանապարհային ոստիկ-ն Վանաձորի հաշվառման բաժին	G 6	2603826	ք.Վանաձոր, Չելյուսկինցիների 1
32	Լոռու ՄՎ Վանաձոր քաղաքի Տարոնի բաժին	G 6	2781023	ք.Վանաձոր, Մխիթար Գոշի 3
		G 6	2704313	
		G 6	2781059	
33	Լոռու ՄՎ Վանաձոր քաղ. Բազումի բաժին	G 6	2781065	ք.Վանաձոր, Ռուսթավի 1
34	ՀՀ Ճանապար. ոստիկ-ն Վանաձորի հաշվառման-քննական բաժանմունք	G 6	5521073	ք.Վանաձոր, Լոռվա 1
35	Լոռու ՄՎ Թումանյանի բաժին	G 10	10000669	ք.Ալավերդի, Երևանյան խճ. 3
36	Լոռու ՄՎ Գուգարքի բաժին	G 10	10000675	գ.Գուգարք, 1-ին փ., շ. 18
37	Լոռու ՄՎ Տաշիրի բաժին	G 6	2568398	ք.Տաշիր, Պուշկինի 6
38	Լոռու ՄՎ Սպիտակի բաժին	G 6	1986928	ք.Սպիտակ, Ալեք Մանուկյանի 1
39	Կոտայքի մարզային վարչություն	G 25	25000122	ք.Հրազդան, Զ.Անդրանիկի պող. 1
40	Կոտայքի ՄՎ Հրազդանի բաժին	G 6	06300882	ք.Հրազդան, Հայ ֆիդայիների 1
41	Կոտայքի ՄՎ Ծաղկաձորի բաժին	G 6	06301140	ք.Ծաղկաձոր, Սարալանջի 5
42	Կոտայքի ՄՎ Չարենցավանի բաժին	G 6	060330500	ք.Չարենցավան, Շահումյանի 5
43	Կոտայքի ՄՎ Կոտայքի բաժին	G 25	25000216	ք.Արովյան, Անդրանիկի 5
44	ՀՀ Ճանապարհային ոստիկ-ն Արովյանի հաշվառման բաժին	G 4	04003017	ք.Արովյան, Երևանյան խճ. 9
45	Կոտայքի ՄՎ Նաիրիի բաժին	G 10	10001172	ք.Եղվարդ, Շիրակի 2
46	Արարատի մարզային վարչություն	G 6	2679478	ք.Արտաշատ, Օգոստոսի 23 փ., շ.122
47	Արարատի ՄՎ Արարատի բաժին	G 6	2613712	ք.Վեդի, Չարենցի 1
48	Արարատի ՄՎ Արտաշատի բաժին	G 25	25000811	ք.Արտաշատ, Շահումյանի 20
49	Արարատի ՄՎ Մասիսի բաժին	G 6	2624190	ք.Մասիս, Բաղրամյանի 30
		G 6	2388984	
50	Արմավիրի մարզային վարչություն	G 6	2706978	ք.Արմավիր, Հանրապետության 22
51	Արմավիրի ՄՎ Արմավիրի բաժին	G 6	2707197	ք.Արմավիր, Ջիվանու 3
52	Արմավիրի ՄՎ Վաղարշապատի բաժին	G 6	3615225	ք.Էջմիածին, Կամոյի 15
53	Տավուշի մարզային վարչություն	G 4	3715740	ք.Իջևան, Մելիքբեկյանի 5
54	Տավուշի ՄՎ Իջևանի բաժին	G 25	25000941	ք.Իջևան, Իջևանյան 13
55	Տավուշի ՄՎ Դիլիջանի բաժին	G 6	2721298	ք.Դիլիջան, Մյասնիկյանի 57
		G 6	2752700	
56	Տավուշի ՄՎ Նոյեմբերյանի բաժին	G 10	10470038	ք.Նոյեմբերյան, Բարեկամության 4
57	Տավուշի ՄՎ Տավուշի բաժին	G 10	10001094	ք.Բերդ, Լևոն-Բեկի 12
58	Գեղարքունիքի ՄՎ Գավառի բաժին	G 6	2662146	ք.Գավառ, Սայադյանի 91
		G 6	2662147	

59	Գեղարքունիքի ՄՎ Մարտունու բաժին	G 6	2737690	ք.Մարտունի, Մյասնիկյանի 5
		G 6	2738868	
60	Գեղարքունիքի ՄՎ Վարդենիսի բաժին	G 6	2699295	ք.Վարդենիս, Լ.Ազգալոյանի 3
		G 6	2699263	
61	Գեղարքունիքի ՄՎ Սևանի բաժին	G 10	10270078	ք.Սևան, Կ.Դեմիրճյանի 8
62	Գեղարքունիքի ՄՎ Ճամբարակի բաժին	G 6	06001902	ք.Ճամբարակ, Գ.Նժդեհի 122
63	Արագածոտնի մարզային վարչություն	G 40	40000387	ք.Աշտարակ, Երևանյան խճ.1
64	Արագածոտնի ՄՎ Աշտարակի բաժին	G 16	16160157	ք.Աշտարակ, Տ.Սեմի 46
65	Արագածոտնի ՄՎ Թալինի բաժին	G 10	10001173	ք.Թալին, Գորկու 14
66	Արագածոտնի ՄՎ Ապարանի բաժին	G 10	10000166	ք.Ապարան, Գայի 9
67	Արագածոտնի ՄՎ Արագածի բաժին	G 16	16198016	գ.Ծաղկահովիտ, Բժշկյանի 5
68	Սյունիքի ՄՎ Կապանի բաժին	G 16	16110234	ք.Կապան, Երկաթուղայինների 4
69	Սյունիքի ՄՎ Գորիսի բաժին	G 16	16110897	ք.Գորիս, Նարեկացու 3
70	Սյունիքի ՄՎ Սիսիանի բաժին	G 6	10229977	ք.Սիսիան, Կամոյի 3
71	Վայոց Ձորի մարզային վարչություն	G 6	2662363	ք.Եղեգնաձոր, Միկոյանի 1
72	Վայոց Ձորի ՄՎ Եղեգնաձորի բաժին	G 25	25000338	ք.Եղեգնաձոր, Միկոյանի 18
73	Վայոց Ձորի ՄՎ Վայքի բաժին	G 6	1526858	ք.Վայք, Երիտասարդական 2
74	Վայոց Ձորի ՄՎ Ջերմուկի բաժին	G 6	11660041	ք.Ջերմուկ, Մյասնիկյանի 3

3. Առևտրային հաշվառքի սարքը (կայանը) հանդիսանում է _____ սեփականությունը:

4. Առևտրային հաշվառքի սարքի (կայանի) տեղակայման, փոխարինման և շահագործման (ներառյալ՝ սպասարկման, հերթական ստուգաչափման և նորոգման) ծախսերը՝ անկախ դրա պատկանելիությունից, կրում է Մատակարարը: Առևտրային հաշվառքի սարքի (կայանի) արտահերթ ստուգաչափման և նորոգման ծախսերն իրականացվում են ԳՄՕԿ-ով սահմանված կարգով:

Հսկիչ հաշվառքի սարքի (կայանի) տվյալները

№	Անվանումը	Մակնիշը	Գործարանային №	Տեղադրման վայրը	Տեղադրման ժամանակը
1.					
2.					
3.					
4.					

5. Հսկիչ հաշվառքի սարքը (կայանը) սպասարկում է դրա սեփականատերը:

Մատակարար՝
Վ.Հարությունյան
(անուն, ազգանուն, պաշտոնը)
(ստորագրություն)

« 09 » 2013թվական

Կ.Տ.

Բաժանորդ՝

Հ.Հունանյան

(անուն, ազգանուն, պաշտոնը)

(ստորագրություն)

« 09 » 2013թվական

Կ.Տ.

ՀԱՄԱՁԱՅՆԱԳԻՐ
Բնական գազի մատակարարման չափաքանակների
և լրացուցիչ պայմանների մասին

1. Սույն հավելվածը տարածվում է 10 000 խորանարդ մետր և ավելի սպառում ունեցող Բաժանորդների վրա:
2. Սույն համաձայնագրով Բաժանորդը և Մատակարարը փոխադարձ համաձայնությամբ սահմանում են մատակարարվող գազի հետևյալ չափաքանակները.

(հազար խորմ)

ԱՄԻՍՆԵՐ	Հունվար	Փետրվար	Մարտ	Ապրիլ	Մայիս	Հունիս	Հուլիս	Օգոստոս	Սեպտեմբեր	Հոկտեմբեր	Նոյեմբեր	Դեկտեմբեր	ԸՆԴԱՄՆԸ 2013 թվական
1	2	3	4	5	6	7	8	9	10	11	12	13	14
ՉԱՓԱՔԱՆԱԿՆԵՐ									1.0	20.0	220.0	306.0	547.0

3. Հաջորդ օրացուցային տարվա համար բնական գազի անհրաժեշտ չափաքանակների վերաբերյալ տեղեկատվությունը Բաժանորդը Մատակարարին է ներկայացնում օրացուցային տարին սկսվելուց ոչ ուշ, քան մեկ ամիս առաջ: Սույն կետում նշված տեղեկատվությունը Բաժանորդի կողմից չներկայացվելու դեպքում, հաջորդ օրացուցային տարում մատակարարվող գազի չափաքանակներ են ընդունվում տվյալ ընթացիկ օրացուցային տարվա չափաքանակները:
4. Մատակարարվող բնական գազի՝ սույն հավելվածով սահմանված չափաքանակների փոփոխությունը կատարվում է Կողմերի փոխհամաձայնությամբ: Բաժանորդը մատակարարվող բնական գազի՝ սույն հավելվածով սահմանված ամսական չափաքանակի փոփոխման վերաբերյալ առաջարկությունը պարտավոր է Մատակարարին ներկայացնել Հաշվարկային ամսվանից ոչ ուշ, քան 15 օր առաջ:
5. Եթե Մատակարարը չի մատակարարում բնական գազի՝ սույն հավելվածով սահմանված չափաքանակները, ապա Բաժանորդն իրավունք ունի Մատակարարից պահանջել վճարելու տույժ՝ չմատակարարված բնական գազի արժեքի 0.5%-ի չափով:
6. Եթե Բաժանորդը չի ընդունում բնական գազի՝ սույն հավելվածով սահմանված չափաքանակների ավելի քան 25 տոկոսը, ապա Մատակարարն իրավունք ունի Բաժանորդից պահանջել վճարելու տույժ՝ չընդունված բնական գազի արժեքի 0.5%-ի չափով:

7. Կողմերը ազատվում են սույն հավելվածի 5-րդ և 6-րդ կետերում սահմանված պատասխանատվությունից, եթե դա պայմանավորված է ԳՄՕԿ-ով սահմանված բնական գազի մատակարարման ընդհատման, դադարեցման կամ սահմանափակման պայմաններով:

8. _____

_____:

9. Սույն համաձայնագրի 8-րդ կետում Կողմերի կողմից սահմանվող՝ Բաժանորդի գազասպառման համակարգի առանձնահատկություններով պայմանավորված լրացուցիչ պայմանները, չեն կարող հակասել ԳՄՕԿ-ով և սույն պայմանագրով սահմանված պայմաններին:

Մատակարար՝

Վ. Հարությունյան

(անուն, ազգանուն, կրթություն)

(ստորագրություն)

«27» 2013թվական

Կ.Տ.

Բաժանորդ՝

Հ. Հունանյան

(անուն, ազգանուն, պաշտոն)

(ստորագրություն)



«27» 2013թվական

Կ.Տ.

ՀԱՄԱՁԱՅՆԱԳԻՐ N 19

28.09.2013թ. կնքված Բնական գազի մատակարարման
(Մատակարար-Բաժանորդ (կազմակերպություն)
N ARG 19 0 08 13 0010 պայմանագրի (այսուհետ՝ Պայմանագիր)

ք. Երևան

«08» 04 2021թ.

Մատակարար՝ «Գազպրոմ Արմենիա» ՓԲԸ-ն, ի դեմս Վարչության նախագահ-Գլխավոր տնօրեն Հ.Թադևոսյանի, որը գործում է Կանոնադրության հիման վրա և որի անունից «Գազպրոմ Արմենիա» ՓԲԸ 21.05.2020թ. N: 01-20/2130 լիազորագրի հիման վրա գործում է Գլխավոր տնօրենի տեղակալ Ա.Գևորգյանը, մի կողմից, և **Բաժանորդ՝** Հայաստանի Հանրապետության Ոստիկանությունը, ի դեմս ՀՀ Ոստիկանության տնտեսական վարչության պետ, ոստիկանության գնդապետ Ա.Ներսիսյանի, որը գործում է Կանոնադրության հիման վրա, մյուս կողմից, համատեղ կոչվելով Կողմեր, կնքեցին սույն Համաձայնագիրը հետևյալի մասին.

1. Պայմանագրի անբաժանելի մաս կազմող №1 հավելվածի աղյուսակից հանվում է թիվ 26՝ «Տնտեսական վարչություն, 2-րդ մ/շ» տողը:
2. Սույն Համաձայնագիրն ուժի մեջ է մտնում Կողմերի ստորագրման պահից:
3. Կողմերը սահմանում են, որ սույն Համաձայնագրի պայմանները կիրառվում են 2021թ. ապրիլի 1-ից ծագած հարաբերությունների նկատմամբ:
4. Սույն Համաձայնագիրը գործում է Պայմանագրի գործողության ժամկետում:
5. Սույն Համաձայնագիրը հանդիսանում է Պայմանագրի անբաժանելի մասը:
6. Սույն Համաձայնագիրը կնքված է հավասարազոր իրավաբանական ուժ ունեցող երկու օրինակից, մեկական օրինակ յուրաքանչյուր կողմի համար:

Մատակարար

«Գազպրոմ Արմենիա» ՓԲԸ
Լիազորված անձ
Լիազորագիր՝ N:01-20/2130,
տրված՝ 21.05.2020թ.
Գլխավոր տնօրենի տեղակալ

Ա. Գևորգյան

Կ.Տ.

Բաժանորդ

ՀՀ Ոստիկանության տնտեսական
վարչության պետ,
ոստիկանության գնդապետ

Ա. Ներսիսյան

Կ.Տ.